

Mcivir U Aôndo a Lumun a Mi La (Vegher u sha 1)

Ngeren ne har sha ityough 15 ki takerada u *Bibilo Tese Ér Nyi Jimi?* la, ngu sha Intanet hen jw.org/tiv.

AWASHIMA U NGEREN NE: Tôv sha akaa a u ne jighjigh a mi la, man er i hii ve u ne a jighjigh la, shi time sha kwagh u Bibilo i tese la, nahan nenge er u er ve u kôrcio u pasen mbagenev akaa a u ne a jighjigh la yô.



KA UKWAGHAÔNDO CII VE EREN ISHIMA I AÔNDO YEE?

1 TIME SHA AKAA A U NE JIGHJIGH A MI LA

U hen wer ior mbagenev vea na mlumun ér, een, sha ci u nyi?

Alaghga mbagenev vea na mlumun ér, ei, sha ci u nyi?

Ka nyi u ne jighjigh a mini?

Er nan ve u ne jighjigh nahana?

2

TÔV SHA KWAGH U BIBILO I TESE LA


Gba u saa se civir Aôndo sha gbenda u a lumun a mi la keng.
(Nenge ityough 15 ki takerada u *Bibilo Tese la*, ikyumhiange 1-4.)

Ôr Mateu 7:21-23.

Er Yesu yange tese nahan, aluer se gba **kaan** tsô ser se na un jighjigh kua Ter na yô, a kuma ga sha ci u nyi?

Ôr Mateu 7:13, 14.

Ior kpishi sha tar nyian mba a fa kwaghaôndo u mimi ga, kpa doo u a kpiligh se iyol ga sha ci u nyi?



Aluer u fa er inyaregh ki mimi ka ki lu yô, a lu u ican u fan jebu inyar ga. Kape kwaghaôndo u mimi kpa aluer u fa un ve, a lu u ican u fan kwaghaôndo u aiegh ga je la

Mba ve eren kwaghaôndo u mimi la mba fe ve sha atesen a ve kua ieren ve.

(Nenge ityough 15 ki takerada u *Bibilo Tese* la, ikyumhiange 5-14.)

Ôr Pasalmi 83:18, Mateu 20:28, man 2 Timoteu 3:16, 17.

Ka nyi Mbakristu mba mimi ve ne jighjigh a mi sha kwagh u Aôndo man Yesu man Bibilo?

Ôr Mateu 24:14, Marku 12:17, man Yohane 13:35.

Ior mba Aôndo mba tesen ér ve mba eren kwaghaôndo u mimi ken akaa a ve eren ayange ayange la nena?

Er nan ve u fe wer mimi je Mbashiada mba Yehova mba eren kwaghaôndo u mimi?

3

PASE MBAGENEV AKAA A U NE JIGHJIGH A MI LA

ALUER OR KAA ÉR...

Hanma kwaghaôndo cii doo.

U FATYÔ U KAAAN A NAN WER...

Ka mimi, *ior* mba lun a ishima i mimi mba ken hanma kwaghaôndo. Kpa m na jighjigh mer ka kwaghaôndo môm tseegh Aôndo a lumun a mi ye, sha ci u...

Ka ivur Bibilo i han u ôr or shono?

U lu a kwagh u nan er la ken ishima, nahan u ta nan iwanger sha ivur Bibilo shon nena?

ALUER OR KAA ÉR...

M ngu ken kwaghaôndo u a lu môm ken ukwaghaôndo mba ve hembe kehen sha tar yô. Ior mba ve lu ker kpishi la ve tsume a tsume ga.

U FATYÔ U KAAAN A NAN WER...

Alaghga tsô ior kpishi vea lumun a kwagh u u ôr la. Kpa m na jighjigh nahan ga sha ci u...

Ka ivur Bibilo i han u ôr or shono?

U lu a kwagh u nan er la ken ishima, nahan u ta nan iwanger sha ivur Bibilo shon nena?
